



Broj: 01-23-9-898/18-21
Datum: 8.7.2019. godine

Na osnovu člana 70. stav (3) tačka d) i (6) i Člana 72. Stav (3) tačka f) Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-898/18-19 od 8.7.2019. godine, načelnik Općine Travnik, d o n o s i

R J E Š E N J E

o poništenju postupka nabavke

1. Poništava se Rješenje o izboru najpovoljnijeg ponuđača za nabavku radova: „Izvođenje radova na sanaciji i rekonstrukciji lokalnih puteva na području općine Travnik“ sa podjelom na 4 lota broj: 01-23-9-898/18-18 od 29.5.2019. godine, kojim se ugovor o javnoj nabavci radova iz LOT – IV Rekonstrukcija puta Pulac – M5 dodijelio ponuđaču Konzorcij: „KOMGRAD – ZE“ D.O.O. ZENICA i „ALMY – TRANSPORT“ d.o.o. ZENICA
2. Prihvata se preporuka Komisije za javne nabavke broj: 01-23-9-898/18-19 od 8.7.2019. godine i poništava se postupak nabavke radova iz LOT – IV Rekonstrukcija puta Pulac – M5 iz razloga što je cijena trećerangirane prihvatljive ponude iznad procijenjene vrijednosti za ovaj lot.
3. Za izvršenje ovog Rješenja i praćenje realizacije ugovorazadužuje se Služba za obnovu, izbjeglice, raseljena lica i stambene poslove
4. Ovo Rješenje objavit će se na web-stranici Općine Travnik www.opcinatravnik.com.ba
5. Ovo Rješenje stupa na snagu danom donošenja

O b r a z l o ž e n j e

Postupak javne nabavke radova: „Izvođenje radova na sanaciji i rekonstrukciji lokalnih puteva na području općine Travnik“ sa podjelom na četiri lota, pokrenut je Rješenjem o pokretanju postupka javne nabavke broj: 01-23-9-898/18 od 29.10.2018. godine. Javna nabavka provedena je putem otvorenog postupka javne nabavke.

Procijenjena vrijednost javne nabavke bez uračunatog PDV-a iznosi 2.222.222,22 KM, što predstavlja zbir procijenjene vrijednosti radova iz 4 lota. Procijenjena vrijednost nabavke radova iz lota IV iznosi 256.410,26 KM, bez PDV-a.

Na preporuku Komisije za javne nabavke broj: 01-23-9-898/18-3 od 28.12.2018. godine doneseno je Rješenje broj: 01-23-9-898/18-4 od 31.12.2018. godine o izboru najpovoljnijeg ponuđača i dodjeli ugovora ponuđaču za radove iz LOT IV - Rekonstrukcija puta Pulac – M5 ponuđaču "Rudnici gipsa" z.d.d. Donji Vakuf.

Ugovorni organ dana 14.3.2019. godine potpisuje ugovore sa ponuđačem „Rudnici gipsa“ z.d.d. Donji Vakuf za radove iz lota IV. Ugovor je stupio na snagu istog dana, tj.14.3.2019. godine, od kada počinje teći rok od 15 dana za dostavljanje garancije za uredno izvršenje ugovora. Izvršenim uvidom u evidenciju dostavljenih garancija za ozbiljnost ponude utvrđeno je da je ponuđač "Rudnici gipsa" z.d.d. Donji Vakuf, propustio u ostavljenom roku dostaviti garanciju za ugovor, što navedeni ugovor čini apsolutno ništavim.

Nadalje, obzirom da su u postupku nabavke radova dostavljene tri ponuda sačinjene u skladu sa uslovima iz tenderske dokumentacije, u skladu sa članom 72. stav 3 tačka d) Zakona o javnim

nabavkama, a na osnovu preporuke Komisije za javne nabavke broj 01-23-9-898/18-17 od 29.5.2019. godine ugovor za nabavku radova dodjeljuje se ponuđaču Konzorcij: „KOMGRAD – ZE” D.O.O. ZENICA i „ALMY – TRANSPORT” d.o.o. ZENICA čija je i prvobitna ponuda po rang listi odmah nakon prvobitne ponude ponuđača "Rudnici gipsa" z.d.d. Donji Vakuf.

Nakon što drugorangirani ponuđač Konzorcij. „KOMGRAD – ZE” D.O.O. ZENICA I „ALMY – TRANSPORT” d.o.o. ZENICA, kojeg predstavlja „KOMGRAD – ZE” D.O.O. ZENICA nije pristupio potpisivanju ugovora iz razloga što je rok važenja ponude istekao, što je obavijestio svojim aktom broj I - 945/19 od 4.7.2019. godine, komisija je izvršila uvid u ponudu trećerangiranog ponuđača „Dobojputevi” d.d. Doboj Jug i konstatovala da su cijene ovog ponuđača iznad procijenjene vrijednosti. Svojim aktom broj 01-23-9-898/18-19 od 27.6.2019. godine zatražila je mišljenje od službe pokretača o obezbjeđenju dodatnih novčanih sredstava za ovaj ugovor kako bi dala preporuku za zaključenje ugovora ili poništenju postupka nabavke. Služba za obnovu, izbjeglice, raseljena lica i stambene poslove je svojim aktom broj 07-01-36-137/19 od 5.7.2019. godine dostavila informaciju kako u budžetu nije moguće obezbijediti dodatna finansijska sredstva za zaključivanje ugovora.

Iz gore navedenih razloga, u skladu s članom 69. stav (2) tačka e) Zakona o javnim nabavkama BiH, prihvaćena je preporuka Komisije za javne nabavke broj: 01-23-9-898/18-19 od 8.7.2019. godine, te je odlučeno kao u članu 1. i 2. ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. ponuđačima
2. a/a

